

23.
24

FACULTATIS
MEDICÆ

IN

ACADEMIA ERFURTENSI

p. t.

DECANUS,

JUSTUS
VESTI,

MEDICINÆ DOCTOR ET PA-
THOLOGICÆ PROFESSOR
PUBLICUS,

Omnium ordinum Academicos

Publico hoc PROGRAMMATE invitatur.



Erffurti, Charactere Kindlebiano.



Rtem nostram Medi-
cam in via praxeos ,
h. e. in cognitione
morborum , causa-
rumque morbifica-
rum admodum con-
jecturalem, imò non-
nunquam fallacem
esse , quotidiana lo-
quitur experientia ; hinc est , quod , si diversi cir-
ca unum persanandum ægrotum convocentur
Medici , in opinionibus sæpè valdè discrepent
atque dissentiant , ut hic illo , alter verò alio æ-
grum laborare morbo dijudicet. Uti vero dis-
sentientes sunt circa morborum cognitionem in-
terdum , ita etiam circa medicamentorum ap-
plicationem non semper conveniunt , licet quo
ad morbos eorundemque causas à se invicem
non dissentiant , sed quilibet ad suam provocat
experien-

experientiam, suaq; crepat specifica atq; arcana, maximamq; laudem mereri conatur: Et dum disceptatio fovetur inter medentes, de corio luditur ægrotantis & occasio sanandi, (quæ tamen juxta *Hippocr. Aphor. 1.* momentosa est) præterlabitur cum maximò decumbentis detrimento. Hujus mali causam qui desiderat, is modò perpendat diversas in Physiologia sententias & plurimorum Medicorum nefandam *quæstionem*. Tanta enim hodiè est dissensus in fundamentis Medicis & tot fermè sunt principia medica, quot Medici docentes aut scribentes, ut etiam eruditi, quò se vertant, nesciant sæpius. Tanta etiam est hoc tempore inter carnales homines æmulationis, tantaque superbia, ut quamplurimi Medicorum, vanæ gloriolæ atque pecuniæ inhiantes, nova non solum excogitent principia, sed etiam medicamenta, quæ tamen intentioni rarioris respondent, quibusque propterea carere potuissent, parùm perpendentes, officium Medici opus esse charitatis. Deinde etiam ob varias alias rationes plurima incerta in nostra arte circa morborum curationes deprehenduntur: Quis enim nescit, Medicinam paucis certis & infallibilibus, uno nomine pathognomonicis instructam esse signis?

signis? Hinc communibus ut plurimum debemus esse contenti & ob contraindiciantia symptomata, malorumque syndromen in uno corpore concurrentium, res quandoque ita evadit obscura, ut nec Oedipus divinare specialiter possit morbum. Propterea in ejusmodi casu dubio indicationes curativæ firmæ formari nequeunt, sed talia secundum effatum nostri *Hippocr.* sunt applicanda medicamenta, quæ, si non juvent, ne saltem noceant. Quidam interdum morbi, licet sint quoad causas & subjecta diversissimi, ratione symptomatum non multum à se invicem differre videntur; hinc lithiasin pro colico dolore & viceversa, item colicam pro hysterica passione &c. haberi & curari cernas ab iis, qui non exactissimam per longam experientiam sibi acquisiverunt signorum cognitionem. Si enim ulla pars Medicinæ est, quæ Medicum nobilitat, sanè semiologia est. Non pauci corporis humani affectus, illorumque causæ post mortem demum cognoscuntur & in cadaveribus dissectis atque apertis inveniuntur: Ad horum censum pertinet cordis polypus, vasorum & viscerum rupturæ, de quibus in viventibus nulla occur-

runt

runt signa manifesta. Ex quibus lienis rupturam
Inaugurali sua Dissertatione examinabit Clarissi-
mus atque Experientissimus noster Candidatus,
DN. MICHAEL VANSELOVV, Stolpæ-
Pomeranus & Physicus Arnswaldensis,

qui honestissimis natus est parentibus Stolpæ-
Pomeranorum die 26. Decembr. A. O. R. M. DC.
LXIII. Patre Nobiliss. atq; Doctiss. Dn. JOACHI-
MO VANSELOVV, redituum Sereniss. Ducis
de CROYA Præfecto, Matre verò GERDRU-
THA Drenckhan / qui optimi parentes dudum
ex vita hac, & quidem Pater ante viginti tres,
Mater verò ante duodecim annos, in æternam
commigrarunt. In prima pueritia tam à paren-
tibus, quam domesticis Præceptoribus in pieta-
te, bonis moribus, literarumque rudimentis fi-
deliter est instructus. Postea in patriam scho-
lam translatus, ex publicis Præceptoribus præ ali-
is laudat Viros Clarissimos atque Doctiss. Dn. M.
GEORGIUM VVEHLINGIUM, Rectorem fi-
delissimum & Dn. NORDHAUSEN, Con-Re-
ctorem, sub quibus tantos fecit in humaniori-
bus & artibus liberalibus progressus, ut à modò
laudatis Viris ad altiora dignus fuerit judicatus.

Quare

Quare Anno M. DC. LXXXII. Regiomontum adiit, ubi primum Philosophico operam navavit studio, lectionesque tam publicas, quam privatas Celeberrimorum Philosophiæ Professorum sedulò frequentavit. Deinde ad Medicam animum applicuit Artem, in eaque prima fundamenta avidè hausit ex prælectionibus Excellentiss. atque Experientiss. Dnn. Med. Doctorum & Professorum, LEPNERI, STARCKII & HARTMANNI, in illa Academia tunc temporis viventium: Sub manu ductione etiam modò dicti Dn. Doct. STARCKII aliquoties humanorum cadaverum sectiones vidit, excursionibusque Botanici sedulò simul interfuit. Año M. DC. LXXXV. ex Regiomantana Academia ad Francofurtensem ad Oderam est profectus, ubi Excellentiss. atque Experientiss. Dnn. Med. Doctores & Professores publicè prælegentes quàm diligentissimè audivit, sectioni etiam ursi, à Dn. Doctore ALBINO administratæ, interfuit. Eodem Anno Lipsiam se contulit, in qua Celeberrima Academia itidem per annum dimidium substitit & famigeratissimos Medicinæ Professores, Dnn. Doctores, BOHNIUM, AMMANNUM &c. in publicis

blicis lectionibus maximâ attentione auscultavit. Anno subsequente V Vittebergam venit, ubi Nobiliss. atque Excellentiss. Med. Doctores & Professores, SENNERTUM, THILONEM & VATERUM, tam publicè, quàm privatim sedulò audivit: Apud Dn. Doct. THILONEM Collegium Chymicum, Pathologicum & Practicum habuit, apud Dn. Doctorem VATERUM verò, Patronum Ipsius maximopere colendum, integrum Medicum cursum absolvit, dum per integrum ferme quadriennium fidelissimâ in omnibus Medicinæ partibus Illius informatione uteretur. Diversis etiam in hac Academia cadaverum humanorum dissectionibus adstitit. Demum in patriam redire cogitavit, iterque instituit; inter migrandum verò dilectissimam accessit ac visitavit sororem, tunc anno subsequente Arnswaldiam est vocatus, ubi officium Medici ordinarii sive Physici Ipsi tam à Circulo, quàm civitate est oblatum, quo munere per septennium functus est & hucusque, praxin instituit per Dei gratiam benedictam atque felicem. Haud ita pridem ad perantiquam nostram accessit Academiam &, dato albo Academico nomine suo, nostram specializ

liter adiit Facultatem, modestè petens, ut in
 numerum Medicinæ Candidatorum reciperetur
 & ad consveta examina admitteretur, quod non
 solum obtinuit, sed etiam in iisdem optimè stetit
 & promptissimâ responsione ad propositas quæ-
 stiones talem se gessit, ut dignus fuerit iudicatus,
 cui summus in nostra arte gradus conferatur.
 Superest Inauguralis Dissertatio, quâ singularem
 quendam casum de LIENIS RUPTURA futuro
 die ☿ publico Eruditorum examini est expositus-
 rus. Cui actui solenni ut Magnificus Dn. PRO-
 RECTOR, reliquique Proceres ac cives Academi-
 ci honoratissimi, frequentes interesse velint, eâ
 quâ par est, humanitate rogantur & invitantur.
 P.P. sub Sigillo Facultatis, die 6, Septembr. Anno
 M. DC. XCVI.

